



KOMUNIKADO PA PRENSA

Fecha
14 di mart 2016

Kolaboradó di Maneho
Corinne Leysner

Email
corinne.leysner@gobiernu.cw

KORSOU TA TUMA PASONAN PA KUMPLI KU REGLANAN DI SEGURIDAT DEN SEKTOR DI AVIASHON SIVIL

Willemstad - Curaçao Civil Aviation Authority, CCAA, ta inisiá e proseso di renobashon di e diferente lisensianan di teknikonan den aviashon, den un proseso ku ta kulminá na aprel 2017. Esaki pa evitá kualke interupshon na e operashonnan di e kompanianan di aviashon lokal. Kada persona ku tin su lisensia i sertifikashon pa traha komo un tékniko di mantenshon di avionnan sivil, piloto, dispatcher òf air traffic controller, mester apliká na CCAA pa renobá su lisensia promé ku dia 14 di aprel próksimo. Ta hasi un evaluashon pa determiná kon ta bai kumpli ku e rekisitonan ku e Curacao Civil Aviation Regulations (CCARS) ta eksigí i ta plania e eksamennan di konosementu.

Den kuadro di implementashon di e reglanan di seguridat den aviashon sivil internashonal na òktober 2014, e sektor di aviashon sivil lokal mester traha segun e proseduranan di seguridat mas stringente. Asina Minister di Tráfiko, Transporte i Planifikashon Urbano, sra. Suzy Camelia Römer, a informá. Aña pasá, riba dia 1 di òktober 2015, e minister a firma pa ratifiká e kódigo di regla di aviashon sivil di Kòrsou den un lei. Minister ta sumamente kontentu pa anunsiá ku e lei di seguridat nobo a inkorporá e último amandamentunan di e kódigo internashonal. E lei por bai Parlamentu aworaki.

Pa esnan ku mester pasa den implementashon di e sistema di èksamen i sertifikashon komputarisá ultra moderno, Curaçao Civil Aviation Authority (CCAA) ta eksonerá e pago pa pasa eksamen i ta sòru pa e material di estudio nesesario. CCAA ta mantené e sertifikashon ku e tékniko en kestion tin te na momentu ku e persona pasa e èksamen i kumpli ku e sertifikashon nobo. No por keda sin kumpli ku e prueba di konosementu teorétiko i práktiko di ICAO, paso esaki ta un riesgo di seguridat serio. CCAA lo traha huntu ku kada persona ku tin un lisensia i sertifikashon kaba, pa yega na un skema di trabou i na palabrashonnan konkreto pa e tékniko por logra di pasa e èksamennan nesesario. Den kaso ku pa kualke motibu e no logra esei e por hasi e prueba di pasa èksamen di nobo, denter di 48 ora.

Minister a duna su elogio na CCAA pa a prepará, aktualisá i implementá e sistema di èksamen i sertifikashon nobo, kual ta konsistí di diesun kapítulo ku 15.000 pregunta. E desaroyo akí ta pone Korsou bèk na e nivèl di mas



KOMUNIKADO PA PRENSA

Fecha

14 di mart 2016

Kolaboradó di Maneho

Corinne Leysner

Email

corinne.leysner@gobiernu.cw

haltu di kumpli ku reglanan internashonal den aviashon sivil den nos regio, pa loke ta trata seguridat, èksaminashon i sertifikashon. Esaki ta un di e pasonan ku CCAA tin komo meta pa Kòrsou logra su status bèk di kategoria 1 di FAA.